

Kameratoia

LEHIAKETAKO OINARRIAK

PARTE-HARTZEA

- Edozein nazionalitateko pertsona fisiko edo juridikok du lehiaketan parte-hartzeko aukera, betiere, 18 eta 35 urte (biak barne) bitarteko adina baldin badu lehiaketak irauten duen epean.
 - Parte-hartzaile bakoitzak lehiaketara aurkez ditzakeen film laburren kopurua mugagabea da.
 - Talde parte-hartzaileek gehienez ere 6 kide izango dituzte.
 - Lehiaketan parte hartzeko ezinbestekoa izango da kameratoia.eus webgunean espreski prestatutako inprimakia bete eta parte hartuko duen taldearen aurkezpen bideoa bidaltzea (bideoaren esteka eskatuko da; bideoa aurretiaz plataforma digital batean argitaratu beharko da).
 - Aurkezten diren **lehen 30 taldeek** izango dute lehiaketan parte hartzeko aukera.
 - Lehiaketak iraun bitartean gehienez ere 20 parte-hartzailek izango dute Lekeitioko Trinkete **aterpetxean gau bateko egonaldia doan** egiteko aukera. Aterpetxean **bi gauko egonaldia egiten duten parte-hartzaileek izango dute lehentasuna** izen-emate ordenean. Horretarako, ezinbesteko baldintzak izango dira:
 - izen-emate inprimakian egonaldia egingo duzula adieraztea
 - lehiaketa bukaeran lana entregatzea
- Izen-emate inprimakiak jaso orduko, antolaketak doako gaua izango duten parte-hartzaileei halaxe konfirmatuko die postaz. Mezu berean, egonaldiaren ordainketa egiteko prozedura azalduko zaie, fidantza modura. **Behin lana entregatuta, ordaindutako guztizko zenbatekotik gau bateko egonaldiaren kostua bueltatuko zaio.** Edozein gora behera dela ere, parte-hartzaileak lana entregatuko ez balu, antolaketak ez lioke inolako zenbatekorik bueltatuko.
- Aurkezpen bideoa, gehienez minutu batekoa eta **mp4 formatua** eta **1280 x 720px, gehienez 200 Mb-ko pisua** dutenak.
 - Film laburrek originalak eta inoiz argitaratu gabeak izan behar dute;

- Ez dira aurretik bestelako euskarri, lehiaketa edo jaialditan aurkeztutako lanak onartuko.
- Ez dira lehiaketa honen aurretik egindako beste film labur baten bertsio laburtu edo luzatuak diren lanak onartuko.
- Parte-hartzaileek Kameratoiak iraun bitartean (sari banaketa igaro arte) laburmetraia inongo euskarritan edota erakusketa publikoan ez argitaratu/erakusteko konpromezua hartzen dute.

Aurretik aipatutako baldintza horiek beteko ez balira, filmea zuzenean lehiaketatik kanpo geldituko litzateke.

DATAK

- Izen-ematea: **irailaren 16tik urriaren 16ra** bitartean www.kameratoia.eus webgunean.
- Formakuntza saioa: **urriaren 21ean**, arratsaldeko 18:00etan Lekeitioko kultur etxean.
- Gaia eta ezaugarriak: **urriaren 21ean, ostirala, arratsaldeko 19:30ean** Lekeitioko kultur etxean. Bertan, iragarriko dira GAIA eta EZAUGARRIAK; Kameratoia.eus webgunean ere argitaratuko dira ondoren, gehienez ere ordubete beranduago.
- Lanen bidalketa: **urriaren 23an, eguerdiko 12:00etan** bukatuko da parte-hartzaileek lanak entregatzeko epea.
- Lanen aurkezpen publikoa: **urriaren 23an arratsaldeko 16:30ean** aurkeztutako lan guztiak ikusteko aukera izango da Ikusgarri aretoan.
- Irabazleen ebazpena eta sari banaketa: **urriaren 23an** izango da Ikusgarri aretoan lan guztiak aurkeztu ondoren. Bertan, epaileek beren balorazioak emango dituzte ezagutzera eta 2022ko Kameratoia-aren irabazleak iragarriko dituzte. Publikoak ere izango du gustukoaren duen lana bozkatzeko aukera.

LANEN BALDINTZAK

➤ GAIA ETA EZAUGARRIAK

Urriaren 21ean arratsaldeko 19:30ean iragarriko dira aurtengo lehiaketako gaia eta ezaugarriak Lekeitioko kultur etxean.

➤ IRAUPENA

Film laburrek gehienez ere 3 minutu eta erdiko iraupena izango dute, kareta barne. Muga horren barruan, partaide bakoitzak iraupen egokiena aukeratuko du.

➤ HIZKUNTZA

Filmak **euskara hutsean** izan behar dute eta aurkeztutako lanean beste hizkuntzarik egongo balitz, euskarazko azpitoluak izan beharko ditu itsatsita. Bestelako hizkuntzen erabilera istorioan justifikatuta egon beharko da.

➤ **FORMATUA ETA KARETAK**

- Lanak mp4 1280 x 720px formatuan entregatuko dira eta ezingo dute gehienez ere 200 MBko pisua gainditu.
- Film laburrek Lekeitioko Zine Bileraren kareta izan behar dute txertatuta filmaren hasieran, pantaila osoan.
- Ezinbestekoa da kareta hori 3 segundutan zehar mantentzea bideoan. 3 segundu horiek ez dira filmearen iraupenaren parte izango.
- KARETA horiek Kameratoia.eus webgunean izango dira eskuragarri lehiaketa hasi orduko “Kareta jaitsi” atalean.

Filmeko edukiaren ordena, beraz, hauxe:

- Hasierako kareta– 3 segundo
- Laburmetraia – gehienez ere 3’5 minutukoa

LANEN BIDALKETA

- Lanak bidaltzeko **epea urriaren 21ean 19:30ean hasi eta urriaren 23an eguerdiko 12:00etan** bukatuko da.
- Laburmetraiak **wetransfer** bidez bidaliko dira vanesa@topagunea.eu helbidera.
- Filmearekin batera, bidalketan laburreko **fotograma** baten irudia bidali beharko da JPG edo PNG formatuan, 420 x 623 pixeleko tamainan eta gehienez ere 1Mbko pisua gainditzen ez duena.

SARIAK

Bi sari nagusi izango dira eta publikoaren sari berezia: lehenengo biak epaileen balorazioen arabera izango dira eta hirugarrena berriz, filmeen aurkezpena bertaratzen den publikoaren bozkak erabakiko du.

- **1. saria:** 800€ko saria* jasoko da eta filmea [Laburbira](#) zirkuituan eta [Demasa](#) lehiaketan sailkatu izatera pasatuko da zuzenean.
- **2. saria:** 350€ko saria* jasoko du eta [Demasa](#) lehiaketan sailkatu izatera pasatuko da zuzenean.
- **Publikoaren saria:** talde irabazlearentzako (kide guztientzako) streaming plataforma baterako hilebeteko sarbidea.

(*) dagokion atxikipena aplikatuko zaio.

LEGE OHARRAK

- Antolakuntzak lehiaketan zehaztutako irizpide tekniko, artistiko eta /edo legalak betetzen ez dituzten lanak lehiaketatik kanpo uzteko eskubidea gordetzen du.
- Era berean, antolakuntzak arrazista, berdintasunaren aurkakoa edo gustu txarrekoa den edo ikuslegoaren sentsibilitatea irain lezakeen gai zein irudirik duen edozein lan baliogabetzeko eskubidea gordetzen du.
- Parte hartzaileek filmean ageri diren bestelako sormen lanen egile eskubideak urratzen ez direla bermatzen dute eta horiek erabiltzeko beharrezko baimen eta lagapenak dituztela.
- Antolakuntzak ez du lehiaketara aurkeztutako filme eta horien edukiaren gaineko legezko erantzukizunik izango.
- Filmeen egileek antolatzaileak baimentzen dituzte lehiaketak iraun bitartean, kameratoia.eus eta zinebilera.eus webguneetan, horiei lotutako sare sozial eta ikus-entzunezko bestelako plataformetan lanen zabalkunde eta argitarapena egiteko. Eskubide horien erabilera jaialdiaren promozio eta informazio helburuetarako izango da soilik.
- Sortzaileek lehiaketak iraun bitartean filmea bestelako gune edo euskarri batzuetan ez erakutsi / zabaltzeko konpromezua hartzen dute. Hala ez balitz, antolaketak lana zuzenean lehiaketatik kanpo uzteko eskubidea izango luke.
- Film laburraren ustiapen edo erabilera komertzialak egilearen alde aurreko eta berariazko baimena beharko du, hala badagokio, dagozkion akordioak sinatuz.
- Talde parte-hartzaileak epaimahaiaren erabakia argitaratu ondoren segituan jaialdiak bere film laburra erakusten jarraitzea nahi ez badu, antolakuntzan jakinarazi beharko du. Une horretatik aurrera, erakundeak 30 laneguneko epea izango du goian aipatu ditugun eskubideen eskualdaketa ez-esklusiboa baliogabetzeko.
- Lehiaketan izena ematearekin batera, talde parte-hartzaileek baimena ematen diote antolatzaileari lehiaketan partekaturiko informazio, irudi eta euskarri oro erabiltzeko, zuzenean edo zeharka, ikus-entzunezko lanen sustapen eta komunikazio ekintzak burutzeko.
- Antolatzaileek ez dute erantzukizunik izango haien esku ez dagoen kanpo zerbitzu baten hutsegite edo ez ohiko egoera batek eragindako galeretan.
- Oinarrien ulermenean zalantzarik balego, Euskaltzaleen Topaguneari dagokio erabakitzea. Era berean, zehaztutako puntuetan aldaketak egitea beharrezkoa izanez gero, antolatzaileek horiek egiteko eskubidea izango dute, baldin eta

justifikatuta badaude eta / edo parte-hartzaileei kalterik egiten ez badie eta alde zuzenetik behar bezala jakinarazten baldin badira.

OINARRIEN ONARPENA

Lehiaketa honetan parte hartzeak arau hauen erabateko onarpena dakar. Antolaketa Batzordeak bere gain hartzen du oinarri hauetan aipatzen ez diren salbuespeneko erabakiak hartzeko eskubidea.

Informazio gehiago jasotzeko edo edozein zalantza argitzeko, idatzi iezaguzu_barezi@topagunea.eus helbidera.



Kameratoia

Euskal Herriko
Ikus-entzunezkoen
Rallya

Kameratoia



45. EUSKAL
ZINE
BILERA

